



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

39. Cum sicut dilectus &c. Extrahendi commodandi, commutandi &  
asportandi quomodolibet sacros libros, & quæcumque paramenta, &  
ornamenta, ac utensilia Ecclesiastica, vasa, calices, & quamcumque aliam

...

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

## C L E M E N S P A P A X I .

*Ad futuram rei memoriam.*

Cum sicut Dilectus Filius noster Joannes Maria S.R.E. Presbyter Cardinalis Gabrielli nuncupatus Nobis nuper exposuit, ipse in Monasterio Sanctorum Fabiani, & Sebastiani ad Catacumbas nuncupato prope, & extra mœnia Urbis Congregationis Reformatæ Sancti Bernardi Ordinis Cisterciensis, quamdam mansionem ad usum Bibliothecæ cum suis forulis, & mensulis, mobilibus, aliisque necessariis ornamentis, decenter suâ impensâ instaurari curaverit, ac in eâ libros collocare intendat, cupiatque propterea eorundem librorum conservationi, & mantentioni opportunè in præmissis à Nobis provideri. Nos ipsius Joannis Mariæ Cardinalis votis hac in re, quantum cum Domino possumus, favorabiliter annuere, eumque specialis favore gratia profecti volentes, ejus supplicationibus Nobis super hoc humiliter porrectis inclinati, ne quisquam eujusvis gradus, status, ordinis, præminentie, vel dignitatis existat, aut quocumque officio, auctoritate, vel superioritate fungens, libros, quinterna, quinternetta, folia, chartas, scripturas, & volumina quæcumque tam impressa, quam manuscripta dictæ Bibliothecæ, prædicto Monasterio per memoratum Joannem Mariam Cardinalem hæcenus, quomodolibet di nata, & assignata, seu per eum, vel quoscumque Christianos in posterum quodcumque donanda, & assignanda ex ipsâ Bibliothecâ, sub quovis quæsito colore, prætextu, ingenio, causâ, vel occasione extrahere, vel asportare, aut ut extrahantur, vel asportentur, permittere, vel consentire audeat quovis modo, seu præsumat, sub excommunicationis lata sententia, à quâ nemo absolutiois beneficium à quoquam, præterquam à Nobis, & Romano Pontifice pro tempore existente, nisi in mortis articulo constitutus, valeat obtinere, ac quoad Regulares, etiam privationis vocis activæ, & passivæ poenis eo ipso absque aliâ declaratione incurrendis, auctoritate Apostolicâ, tenore præsentium perpetuò prohibemus, & interdiciamus. Permittimus autem Superiori pro tempore existenti prædicti Monasterii, ut libros vulgaris idiomatis lectionis ad Mensam, & Capitulum habendæ, vel reficiendi gratiâ extrahere possit, ita tamen, ut finito eorum usu, & postquam illi refecti fuerint, statim in Bibliothecam prædictam reportari, in eaque reponi debeant, sub eisdem poenis. Non obstantibus Constitutionibus, & Ordinationibus Apostolicis, ac, quatenus opus sit, dictorum Monasterii, & Congregationis, etiam juramento, confirmatione Apostolicâ; vel quâvis firmitate aliâ roboratis Statutis, & consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliâ in suo robore manserunt, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque. Volumus autem, ut præsentis prohibitionis exemplum in valvis dictæ Bibliothecæ, aut alio conspicuo illius loco, ubi ab omnibus cerni, & legi possit, affixum assidue remaneat. Datum Romæ apud Sanctam Mariam Majorem, sub anno Piscatoris die vigesimâ primâ Novembris, millesimo septingentesimo octavo, Pontificatus nostri anno octavo.

F. Oliverius.

## P R O H I B I T I O

Extrahendi, commodandi, commutandi, & asportandi quomodolibet sacros libros, & quæcumque paramenta, & ornamenta, ac utensilia Ecclesiastica, vasa, calices, & quæcumque aliam sacram suppellectilem ex quâlibet materiâ formatam ex Sacristia, Choro, Ecclesiâ, & Monasterio SS. Fabiani, & Sebastiani extra, & prope muros Urbis sub poenâ excommunicationis, ac privationis vocis activæ, & passivæ.

## C L E M E N S P A P A X I .

*Ad futuram rei memoriam.*

Cum sicut Dilectus Filius noster Joannes Maria S.R.E. Presbyter Cardinalis Gabrielli nuncupatus Nobis nuper exposuit, ipse ad usum, & pro servitio Ecclesiæ, & Chori Monasterii Sanctorum Fabiani, & Sebastiani ad Catacumbas nuncupati prope, & extra mœnia Urbis Congregationis Reformatæ Sancti Bernardi Ordinis Cisterciensis, libros sacros, pluvialia, planetas, dalmaticas, aliaque paramenta, & ornamenta Ecclesiastica etiam argentea suâ impensâ fieri curaverit, illaque eidem Monasterio donaverit, quinimò alia suppellectilia, & utensilia sacra in futurum similiter donare intendat; ne autem illa deteri, seu etiam deperdi contingat, eorum mantentioni, & conservationi opportunè à Nobis provideri plurimum desideret. Nos ipsius Joannis Mariæ Cardinalis votis hac in re, quantum cum Domino possumus, favorabiliter annuere volentes, ejus supplicationibus Nobis super hoc humiliter porrectis inclinati, ne de cætero quisquam etiam quæcumque præminentia, dignitate, vel potestate prædictus libros sacros, pluvialia, planetas, dalmaticas, aliaque paramenta, & ornamenta Ecclesiastica tam ex auro, vel argento, quam ex alia quavis materiâ confecta eidem Ecclesiæ per dictum Joannem Mariam Cardinalem, sicut præmittitur, donata, & assignata, nec non alia quæcumque suppellectilia, & utensilia sacra hujusmodi per eundem Monasterio in posterum quodcumque donanda, & assignanda, aut quancumque illorum partem aliis Ecclesiis, etiam ejusdem Congregationis, & locis piis, aut Personis quibuscumque etiam specifica, & individua mentione, & expressione dignis commodare, vendere, vel oppignorare, aut sub quovis quæsito colore, prætextu, causa, vel occasione ex Ecclesiâ prædictâ, vel illius Sacristia, Choro, & Monasterio extrahere, & asportare, seu ut commodentur, vendantur vel oppignorentur, aut etiam extrahantur, vel asportentur, consentire, seu permittere audeat quovis modo, seu præsumat, sub excommunicationis per Contrafacientes ipso facto absque aliâ declaratione incurrendâ, à quâ nemo ab alio, quam à Nobis, seu Romano Pontifice pro tempore existente, nisi in mortis articulo constitutus, absolutiois valeat beneficium obtinere, & quoad Regulares, etiam privationis vocis activæ, & passivæ poenis interdiciamus, & prohibemus. Non obstantibus Constitutionibus, & Ordinationibus Apostolicis, nec non, quatenus opus sit Monasterii, & Congregationis hujusmodi, etiam juramento, confirmatione Apostolicâ, vel quâvis firmitate aliâ roboratis statutis, & consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & ad verbum

in-

infertis habentes, illis aliis in suo robore permanforis, ad premissorum effectum hac vice dumtaxat specialiter, & expresse derogamus, ceterisque contrariis quibuscumque. Volumus autem, ut earumdem presentium literarum exemplum in Sacrificia predicti Monasterii, vel alio loco conspicuo, ubi ab omnibus cerni, & legi possit, affixum assidue remaneat. Datum Romae apud Sanctam Mariam Majorem sub annulo Piscatoris die vigesima prima Novembris 1708. Pontificatus nostri anno octavo.

F. Oliverius.

CONSTITUTIO

XL.

Ut Festum Conceptionis B. Mariae Virginis Immaculatae de precepto ubique in posterum observetur.

CLEMENS PAPA XI.

Ad perpetuam rei memoriam.

Commissi Nobis divitis Sacrosancti Apostolatus officii exigat ratio, ut gloriosissima Virginis Dei Genitricis Mariae, cujus Conceptio gaudium annuntiavit universo Mundo, venerationem, & cultum, plurimum Romanorum Pontificum Praedecessorum nostrorum more, ampliare studentes in terris, illius, quae super Choros Angelorum exaltata pro populo Christiano sedula exoratrix apud Eum, quem genuit, assidue intercedit in Caelis, potentissimam operam, in tot tantisque, quibus premitur, Christianae Republicae, & Catholicae Ecclesiae necessitatibus, quantum Nobis ex alto conceditur, promoveri jugiter satagamus. Sincera itaque nostra erga eandem Augustissimam Coeli Reginam, Patronam, & Advocatam nostram devotione incitati Festum Conceptionis ipsius Beatae Mariae Virginis Immaculatae ubique Terrarum in posterum ab omnibus, & singulis utriusque sexus Christianis, sicut alia Festa de precepto servari, & celebrari, ac sub precepto observationis Festorum comprehendendi, auctoritate Apostolica tenore presentium decernimus, praecipimus, & mandamus. Non obstantibus Constitutionibus, & Ordinationibus Apostolicis, ceterisque contrariis quibuscumque. Volumus autem, ut earumdem presentium literarum transumptis, seu exemplis etiam impressis, manu alicujus Notarii publici subscriptis, & sigillo Personae in Ecclesiastica dignitate constituta munitis eadem prorsus fides adhibeatur, quae adhiberetur ipsis presentibus, si forent exhibita, vel ostensa. Datum Romae apud S. Petrum sub annulo Piscatoris die 6. Decembris 1708. Pontificatus nostri anno octavo.

F. Oliverius.

Anno a Nativitate DN. Jesu Christi millesimo septingentesimo octavo, die 6. Decembris, Indictione prima, Pontificatus Sanctissimi in Christo Patris, & D.N.D. Clementis Divina Providentia Pape XI. anno ejus octavo, supradicta litera Apostolica affixa, & publicata fuerunt ad vultus Basilicae SS. Apostolorum Petri, & Pauli, Cancellaria Apostolica, in Monte Cretorio, in Acie Campi Florae, ac aliis locis solitis, & consuetis Urbis per me Thomam de Unionibus Apost. Curs. Sebastianus Vafellus Mag. Curforum.

CONCESSIO

Indulgentiarum Christianis fidelibus Status Ecclesiastici tam mediati, quam immediati divinam operam implorantibus, quam in presentibus gravissimis necessitatibus.

CLEMENS PAPA XI.

Ad futuram rei memoriam.

Inter tot, tantasque, quibus Sancta Romana Ecclesia hoc turbulentissimo tempore undequaque premitur angustias, gravissimis potissimum, quibus nostri, & Apostolicae Sedis etiam quoad temporalia Subditi affliguntur calamitatibus, paternae charitate commoti ad Deum toto corde clamore non cessamus, ac quemadmodum indictis publice precibus jam pluries fecimus, ita etiam nuperissime Christiani fideles in Alma Urbe nostra degentes ad iram Dei, quae peccatis hominum assidue laceffitur, per salutaris poenitentiae lamenta, ac jejunia, & elemosynas, sincerisque, & unanimes obsecrationes, atque orationes placandam prolatis largam manu caelestium gratiarum dispensationi nostrae divinitus creditarum thesauris excitare studuimus. Id ipsum nunc, ut & reliqui etiam Christiani fideles universi Status nostri Ecclesiastici scilicet per veram poenitentiam cordibus, ac auctis per jejuniorum labores, & elemosinarum largitiones viribus orationis facere committantur, eos omnes, & singulos paternae ad hortandos, & monendos, eorumque pietatem, erogatis itidem amplissimis caelestium gratiarum muneribus, incitandam, atque fovendam esse arbitramur.

§. 1. Itaque Venerabilibus Fratribus Archiepiscopis, & Episcopis, aliisque Ecclesiarum Praelatis, & Ordinariis Civitatum, & Dioecesium, Oppidorum, Terrarum, & Locorum Nobis, & eidem Sedi in temporalibus mediatae, vel immediatae subditorum, seu eorum Vicariis in spiritualibus generalibus per praesentes committimus, & mandamus, ut statim atque ipsarum presentium literarum transumpta, seu exempla etiam impressa ad eos pervenerint, Processiones in suis respective Civitatibus, Oppidis, Terris, & Locis instituant, publicasque preces indicant; Nos enim omnibus, & singulis utriusque sexus Christianis fidelibus vere poenitentibus, & confessis, ac Sacrae Communionis resectis, qui Processionibus hujusmodi respective interfuerint, vel Ecclesias, & quae, & ad quam aliqua Processionum hujusmodi fiet, eodem, vel aliquo ex septem subsequentibus diebus devote viderint, ibique Divinum auxilium, ut praemittitur, imploraverint, ac insuper peracto unius diei jejunio ecclesiastico aliquam elemosynam, prout unicuique suggeret devotio, pauperibus erogaverint, plenariam omnium peccatorum suorum Indulgentiam, & remissionem, per unumquemque Christiani fidelem semel tantum lucrificandam, misericorditer in Domino concedimus.

§. 2. Regularibus autem personis utriusque sexus etiam in claustris perpetuo degentibus, nec non aliis quibuscumque tam Laicis, quam Ecclesiasticis Saecularibus, vel Regularibus etiam in carcere, aut captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua praestare nequiverint, ut illa Confessarius ex jam approbatis a Locorum Ordinariis ante presentium publicationem, seu approbandis, eis in alia pietatis opera commutare, vel in aliud proximum tempus prorogare possit, eaque injungere, quae ipsi

XL.

Exordium a gravissimis Subditorum Sanctae Sedis.

Ordinariis locorum injungit, ut processiones, publicasque preces indicant.

Indulgentiam plenariam concedit ad implendis operibus praescripta.

Pc-